



Stallas da Nadal en las baselgias

LQ ha visità las stallas da Nadal en baselgia da Trun, Caltgadira, Surrein, Disla e Cumpadials.

2



Art grischun en il Museum d'art a Cuira

En il Museum d'art a Cuira èn expoidas actualmain ovras d'artists contemporans dal Grischun.

15

südostschweiz

LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch



Aint il palazi as rechatta ün bar tuottafat fabrichada our da glatsch.

FOTO B. STECHER

Avertüra dal palazi da glatsch a Sur En

■ (anr/bcs) D'incuort ha gnü lö l'avertüra dal palazi da glatsch a Sur En da Sent in Engiadina Bassa. Daspö cha'ls palazis da glatsch dals ons passats han attrat blers visitaduers s'han ils respunsabels decis da fabricchar quist on ün palazi da tarablas da naiv e da glatsch. Ils duos artists Daniel Cottli da Ramosch e Markus Bunschor dad Altstätten han investi

cun blers agüdants indombrablas uras per s-chaffir üna spüerta turistica sorprendenta. Organisatura da l'attracziun es la Società Art Engiadina cun seis mainagestiuin Wolfgang Bosshardt. Il palazi ha ün diameter da nov meters ed ün'otezza da set meters e po gnir douvrà per festas da tuot gener.

> PAGINA 9



Mario Pacchioli delectescha el project «Remas» cun cant e cun rema dils classichers scripturs romontschs.

FOTO P. DUFF

Mario Pacchioli presenta il project «Remas»

■ (anr/ff) Mario Pacchioli ei dapresent sin turnea en nosa cuntrada e presenta in zun interessant project numnaus «Remas». Siu art ein il tun ed il lungatg, pia la canzun. Mario ei se-regurdaus dallas poesias ch'el aveva empriu ordadora en scola. Schotg canzuns presenta el sin in disc cumpact. Quel ei en cumpignia cun in cudisch che cuntegn la litteratura cantada. El ha tscharniu ils classichers ro-

montschs. Sia musica romantica-moderna dat in vestgiu allas parolas ed ei deletg supplementar per igl auditor e lectur. Cuortas dissertaziuns da Laura Decurtins e Nadina Derungs dattan sclariment supplementar sur da musica e lirica. Il project vegn menaus da Mariano Tschuur ed ei vegniu ediu dalla Chasa Editura Rumantscha.

> PAGINA 6

DA SUSI ROTHMUND / ANR

■ Cuort suenter sia naschientscha a Glion ha Marc stuiu vegnir transportaus el spital a Cuera pervia da cumplacziuns culs narunchels. Quei ei mo stau l'entschatta d'ina odisea en spitals che ha cuzzau tochen ch'il buobet ha survegniu il schaner vargau in narunchel d'in donatur. Suenter nov liungs meins da spetga ha Marc finalmein saviu vegnir operaus ed ha survegniu in narunchel che funcziuna bein. Grazia a quei «regal da Nadal» ch'ei vegniu cun empauet retard – mo vala dapli che mintga caussa cumprabla – ha il pitir ed il mudergem cun dialisa ed operaziuns finalmein priu ina buna fin pil buobet ch'era entras sia mal-sogna era empauet retardaus el svilup corporal. Mintga notg stuevan ses geniturs far cun el la dialisa, duront ch'il pign durmeva vegneva siu saung schubergiaus d'ina maschina. Sco ils geniturs dian era Marc in fegh bien pazient. Uss eis el serevegniu bein da tut las operaziuns. Cun agid da differentas terapias ha el fatg in svilup enorm e sa – malgrad ch'el ha mo in na-

In narunchel per Marc

Ina insuffizienz dils narunchels ha fatg pitir Marc Bearth e sia famiglia



Cun mo treis onns ha il pign Marc gia fatg atras ina massa. Grazia ad in donatur ha el survegniu in narunchel e sa ussa viver ina veta relativamein normala.

FOTO S. ROTHMUND

runchel – viver ina veta sco ses dus frars e far quasi tut il medem sco lezs san far. Il narunchel ch'il tgierp dil buob da treis onns ha priu si bein vegn denton buc a far

sia funcziun l'entira veta e perquei vegn Marc ad haver basegns d'ulteriuras donaziuns d'organs. Quei ei era in motiv daco che ses geniturs Sandra e Fabian Bearth da Ra-

buis han buca gia viliu esser donaturs l'emprema ga che lur fegl ha duvrau in narunchel.

> PAGINA 5

Siemis da pendicularas

■ (anr/sr) «Luft Seil Bahn Glück» – aschia secloma ina trilogia d'exposiziuns a Flem ella Casa Melna, a Stans el Museum da Sutsilvania ed a Türitg el Center per la protecciun dalla patria. La sonda vargada han ils responsabels dalla Casa Melna a Flem envidau alla vernis-sascha dall'exposiziun «siemis da pendicularas» e biars visitaders han dau suatientscha a lur invit. Comunablamein han ils expositurs planisau ina exposiziun zun informativa ed interactiva che fa plasher da scuvierer. Sper ils em-prens sessels anflan ils visitaders el-la Casa Melna era models da pendicularas, films, placats vegls e perfin ina rondella dalla suletta «pendiculara» da stad ch'ei ha dau en Svizra e bia auter.

> PAGINA 3



Ils models da pendicularas fascineschan oravontut ils affons che vegnan buc unfis da schar ir si e giu las cabinas ella Casa Melna a Flem.

FOTO S. ROTHMUND

Cul Gütsch-Express sin pista

Dalla staziun da viafier directamein el territori da skis

DA SUSI ROTHMUND / ANR

■ La colligiazion dils territoris da skis Sedrun ed Andermatt ei in bien pass vinavon. Dapi la sonda san ils hosps guder la nova pendiculara «Gütsch-Express». Cun quella vegnan ei transportai naven dalla staziun da viafier ad Andermatt directamein el territori da skis Nätschen–

Gütsch–Schneehüenerstock. In bellezza territori alpin ei uss accessibels a skiunzas e skiunzs che san medemamein guder la nova sugtera «Lutersee-Flyer» e secapescha era la nova sugtera «Gütsch-Flyer» ch'ei en funcziun dapi il 2016. La fin schaner 2018 suonda l'avertura dil «Schneehüenerstock-Flyer». Aschia pon ils hosps dalla Skiarena Andermatt-Se-

drun naven dad Andermatt tochen sil Schneehüenerstock e buns skiunzs perfin tras la neiv entira tochen sin l'Alpsu. Da leu anavos ston els aunc per questa sesiun nezegiar il tren. L'auter onn vegn la davosa etappa realisada ed ils territoris ein lu definitivamein colligiai cun pistas e pendicularas.

> PAGINA 3



La telecabina nova dad Andermatt–Nätschen–Gütsch ei en funcziun dapi ils 23 da december.

MAD



30052

9 771424 749004

Servetsch d'abunents e da distribuziun: tel. 0844 226 226 mail: abo@somedia.ch